

# CUMÙNI DI LUNGÒNI

Intervista:

## Ammènti di Ziu Gigi Stacconéddu

Sèmpri faiddhèndi di ghjésggi, Ziu Gigi (Luigi, lu babbu àia lu mattèssi nommu parò éra cunnòttu còmu Laìcu),dici: la ghjésggiadi Santu Pascàlié stata la più 'mpulanti di la zona da candu éra statafrabbicata illu 1775 finz'a l'anni '30 di lu nóicèntu; s'agattani chì umbè di documenti (registri), atti di battìsgimu, cóiu, grésima e mòlti e èu àgghju vultutraducì l'atti da lu Malzudi lu 1776 a lu 1835.

Sòcu appassionàtu di cunniscì nuttizi e ricóldi di la 'ita di li tèmpi passati, di sapé còmu si campàa, còmusi vivìa, comu si cumpultàala ghjènti;

Agghju cuminciatu a scriì un libbru pa' lassà chistu pattrimòniu a la nòstra comunittài.

Abali vi focciu un còntu di la ghjésggia di Santu Ghjuànnidi Muntàgna chissa chi s'agàttaillu tirrittóriu di Bassacutena; si dicìa chi chindi vi sarìa statu l'anticu villaggiu di Caragnàni, popolatu ill'anni di lu 1300 e abbandunatu versu lu 1350/60pa' un'epidemia di pèsti;la populaziòni di chiddhi lóchi s'éra spustàtailli tirrittóri chi abà sò di Tèmpiu, Lùrisi e Caragnàni

Èu m'ammèntu chi v'érani li muri di lu villaggiuchi abàli no vi sò più palchì sò stati trattati pà fraicà altu còsi.

La ghjènti di Caragnàni ancóraógghji, illu mési di Lämpata,fala pa' fà una festa manna chi duratre dì, magnèndi,bièndi e baddhèndi.

